

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

A PAIN SINANCĚ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquin 'atimocĕna 'aish chĆamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni raĭri usoquin uni 'ati ca 'aisama 'icĕ quicĕbĕtanbi. Usaquin bĕtsi unĭ 'ati cuĕĕnima ca camabi uni ĕsai iti 'icĕn: ańu ńu ńui cara banaia a cupĭ ubĭocĕma itĭ, 'ianan ańu ńu cara sinania a cupĭ ubĭocĕma 'iti, 'ianan ańu cara pisa tania pianan ain cuĕĕncĕ ńu bianan uinu cara 'isa tania anu 'iabi ca bĕtsi unĭ unin racuĕotima icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masĆ nuituquin ain 'apumibĭ nishi 'acananti sinanti 'icĕn.

CAMAXUNBI CA 'UNANIA: Camabi netenu 'icĕ unicama ubĭocĕma 'aish chĆamarua 'inun ca camabi nĕtĕnu 'icĕ gobiernobĕ ain unicamaribi bĕtsi gobierno 'imainun ain unicamabĕ nishananima upĭ iti 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upĭma ńu 'acĕma 'aish ca camabi uni bĕtsibĕ sĕnĕn 'aish ubionancĕma upiti itĭ icĕ quixun sinanquin camabi uni usai 'inun 'aquinĆ camaxbi 'ĭĕsamaira oi upiti bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕcĕ unicaman sinancĕsaribi oquin cananuna nunribi sinanin. Usaxun cananuna atubĕtan atĆn sinancĕsabi oi nun nĕtĕnu 'icĕ unicama 'atima ńu 'acĕma 'aish upiti bucunun 'aquenti 'ain.

CAMAXUNBI CA 'UNANIA: Camabi unicama ubĭocĕma upiti bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucĕx timĕcĕ unicaman ca ĕsaquin caxa:

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

Camabi nĕtĕnu 'icĕ unicaman: ĕsai 'iti 'aish ca camabi uni upiti bucutĭ ice quixun sinanquin ca ĕnĕ quiricanua ńuicĕ banacama manutimoquin sinĆnan an ĕnĕ bana 'unancĕma unicamanribi upĭ oquin 'unĆnun 'unanmitĭ 'icĕn. Camabi gobiernonĕn ca ain nĕtĕnu icĕ unicaman ĕnĕ banacama upĭ oquin 'unĆnun 'aquenti 'icĕn. Camabi nĕtĕnu 'icĕ unicaman ĕnĕ banacama upĭ oquin 'unĆnun ca gobiernocama bĕtsi gobiernobĕ 'aquiananti 'icĕn.

1.

Ui uni cara 'iti icĕ axbi ca bĕtsi unibĕ gobiernonĕn iscĕx sĕnĕn itĭ icĕn. Ui cara ain tita ain papa 'iaxa quixun sinanquinma ca gobiernonĕn sinancĕx ax bĕtsibĕ sĕnĕn 'icĕn. Camaxunbi ca sinanti 'unanin. Camaxunbi ca ańu ńu ati cara asĆbi 'icĕn, ańu ńu 'ati cara 'aisama 'icĕ quixun 'unanti 'icĕn. Usa 'ain ca camaxbi ain xucĕnbĕ 'icĕsaribiti nuiananti 'icĕn.

2.

Uinu 'icĕ ĕmanu 'icĕ uni cara ax 'icĕ, ui unin aintsĭ cara ax 'icĕ, ax cara xanu 'icĕ,

ax cara nucē bēnē 'icē, uisa banan cara banaia. Nucēn Papa Diosmi cara sinania, ami sinanima añu ñubi rabi cara sinania, ui unicamax cara 'apu 'iti ice quixun sinania, añu ñu cara sinania, uisai cara ain papa ain tita 'ia, ñuñu cara ax 'icē, ñuñuma cara, usa ñucama sinanquinma ca gobiernonēn camabi uni ñu 'atima 'acēma 'aish ca bētsi unbē sēnēn icē quixun sinanti 'icēn.

Uisa cara ain nete icē, a nētē cupí ca uni 'atimocē 'itima 'icēn.

3.

Ui unibi ca bētsi unin bamamiti sinantima 'icēn. Ca chiquítimoi sipuacē 'itima 'icēn. Ca 'atimocē 'itima 'icēn.

4.

Uinu 'icē unibi ca chiquitimoquin marucē 'itima 'icēn. Uni chiquitimoquin maruxun 'ibuati 'aíma ití 'icēn.

5.

Uinu ice unibi ca 'aisamaira oquin uni itsin paē tanmitima 'icēn. Bētsi uni ami nishquin paē tanmiquin 'atimocē a ca 'itima 'icēn. Ñuina 'acēsa oquin 'atimocē ca uni 'itima 'icēn.

6.

Uinu 'icē uníxa uinu cara 'ia a ca anu 'icē gobiernonēn uni itsi 'acēsaribi oquin sinanti 'icēn, ax bētsi unisaribi 'icē cupí.

7.

Uinu ice unibi, ami uni itsin upima sinanquin paránan 'atimonunma ca gobiernonēn 'aquintí 'icēn. Enē banacama sinanquinma ain cuēñcēs a oquin unin uní itsi atimoi ami 'ēsēnanunma ca gobiernonēn bēruáti 'icēn.

8.

Uni ñu 'atima 'acēma 'icēbi uni itsin 'atimocē 'ixun ca a unin an uni bana mēnixuncē 'apu cati 'icēn. Cacēxun ca mēniotí 'icēn, gobiernonēn cacēsabi oquin.

9.

Uinu 'icē unibi ca añubi 'uchacēma 'icēbi bētsi uni ain cuēñcēsa oquin sipuacē 'itima 'icēn. Sipunu 'icē ca anubi 'inun ěntima 'icēn. Ain menua ca bētsi menu cuantanun xutima 'icēn.

10.

Unin uisa ñu 'acē 'icēa bētsi uni a 'aisamonun quixun ami mananquin cacēxun ca an bana mēniocē 'apun bētsi uni manancē a unin banaribi asērabí cara usa 'icē quixun 'unantí 'icēn, uni raírinēnribi ismainun. Upí oquin istancēxuinshi ca cati 'icēn, uisa cara a uní otí ice quixun, gobiernonēn ain quiricanu mēníosabi oquin.

11.

Uinu 'icē uni cara uni itsin ami manania, a ca an bana mēniocē 'apun pain upí oquin sinantí 'icēn, sapi ca ñu 'atima 'acēma 'icē quixun. Gobiernonēn cacēsabi oquin pain ca

isti 'icën uisa ñucama cara 'axa quixun. Uni rairinën ismainun ca axa ami manancë unicaman bana cuanan amia manancancë a unin banaribi cuanan an a uni unancë unin banaribi cuatí 'icën. Cuaxuinshi ca asérabi uisa cara a uni 'iixa quixun upí oquin 'unantí 'icën.

Uisai cara gobiernonën bana quia usoquinshi ca an bana menioce 'apun a 'uchacë uni asérabi ain ñu 'atima 'acë istancëxun uisa cara otí ice usoquin 'atí 'icën. Anun a ñu 'aisama 'acë nètë ain fecha isquin ca an bana mënioce 'apun a fecha gobierno quicë bana bëtisoima a bana quicësabi oquinshi axa 'uchacë uní atí icën.

12.

Uinu 'icë uninbi ca ain cuëencësa oquinshi bëtsi uni 'imainun ain xanu 'imainun ain bëchicë ubiotima 'icën, ain xubunu ca atsintima 'icën, ain quirica bëtsi unin bëmice 'imainun quirica an buanmicë ca rairinën bitima 'icën. Usa 'ain ca uinu ice unixbi, a unix ca 'aisama icë quixun uni rairi sinanmi 'atimati banatima 'icën. Usai banacëbëtanbi an bana menioce apun gobiernonën cacësabi oquin meniotí 'icën.

13.

Uinu cara uni cuainsa tania, anu ca cuanti 'icën; ain nètënu 'aisch uinu cara tsotisa tania ca uni anu tsoti 'icën.

Ui unix cara ain nètënuax nètë itsinu cuainsa tania ax ca cuanti 'icën. Amanu 'itancëx ain nètënu utēcëinsa tani ca uti 'icën.

14.

Uix cara ain nètënuaxun bëtsi bëtsi ocë 'ia ax ca tēmëranuxma bëtsi nètënu cuainsa tani cuanti 'icën.

Ain ñu 'atima 'acë cupí gobiernonën mënioquin 'atimocë usa uni ca ain nètënuax tēmëratí rabanan bëtsi nètënu cuantima 'icën.

15.

Camabi uni ca ain netenu ití icën.

Enë nètë minan 'aishbi ca minanma 'iti 'icë quixun ca unin bëtsi uni catima 'icën. Bëtsi nètënu 'isa tanquin ca unin usai 'inuxun gobiernobëtan mëniotí 'icën.

16.

Bëtsi bëtsi unix ca quia: Uni canice ixunbi ca bëtsi netenu icë xanu bitima 'icën, ca bëtsi banan banacë xanu bitima 'icën, ca an rabicë dios rabicëma xanu bitima 'icën. Usa unix quicësai ca 'itima 'icën. Unin usa xanu canicë 'icë bisa tanquin ca bití 'icën, a xanu cuëencëbëtan. Atux 'isa tani ca bëchicëñu 'ití 'icën. Gobiernonën iscëx ca a uni ain xanubë sënën 'icën, xëñibua 'ainbi.

Nucë bënë cuëenquinshi ca xanu biti 'icën, a anúribi cuëënia ca bití 'icën.

Tuácama ain tita ain papabë 'aquiananti ca asábi 'icën. Usai upiti bucunun ca camabi unin sinantí 'icën. 'Apunribi ca usai 'inun sinanxunquin 'aquintí 'icën.

17.

Uni meñu 'isa tania ca uni itsin meñu 'inun ënti 'icën. Xuburibi 'imainun añu ñuñu cara

uni 'isa tania ca uni itsin a ñuñu 'inun ěnti 'icěn. 'Aisa tanquin uni rairibětan měniotancex ca a ñu ainainshima, rairinanribi 'iti 'icěn.

Unin ca ain cuěěncěsa oquinshi bětsi unin ñu bitima 'icěn.

18.

Camabi unin ca ain cuěěncěsa oquin sinanti 'icěn; uni rairiněn ubiĉcěma ca 'ití 'icěn. Uisoquin cara ain dios rabitisa tania usoquin ca 'ati 'icěn. Usaquin sinanxunbi ca amiribishi 'aisa tanquin sinantěcentí 'icěn; uni rairiněn ubiĉcěma ca 'ití 'icěn. En rabicě diosan iscěx ca bětsi bětsi ñu 'ati 'aisama 'icě quixun sinancě uni ca bětsi unin a ain cuěěncěsabi oquin 'anun ěnti 'icěn. Usa ain ca ain diosmi cataměisa tania bětsi unin a 'axunma 'anun catima 'icěn. An rabicě dios ca anbi rabití 'icěn. 'Aisa tani ca uni rairibě timěquin abětan rabití 'icěn. Rabiquin ca 'aisa tanquin rairi uniribi ain dios ñuiquin 'unanmití 'icěn.

19.

Camabi unin ca ain cuěěncěsa oquin sinanti 'icěn. Ca ubiĉcěma 'iti icěn. Ca bětsi unin cacě bana 'aisa tanquin sinanti 'icěn. Bětsi nětěnu 'icě uniběribi ca 'unanmiananti 'icěn. Usai 'i ca ubiĉcěma ití 'icěn. Usaribi oi ca ain sinancě ñu ñui banatisa tani banati 'icěn; ca ubiĉcěma 'iti 'icěn.

20.

Uni rairibě timětisa tani ca uni upí oquiinschi sinanx timetí 'icěn.

Uinu 'icě uninbi ca bětsi unin abětan ñu 'aisama tania ubioxun ñu 'amitima 'icěn.

21.

Camabi unin ca libreta electoralñu 'ixun ain cuěěncěsa oquin 'apu caisquin votación 'atí 'icěn.

Gobiernoněn ain nětěnu 'icě unicama 'aquinun měniocě ñucama ca camabi uninan 'icěn. Ca esa 'icěn: Bai cha anun ca carrocama 'imainun unicama cuainsa tani cuanti 'icěn. Anun quirica buanmiti correo anun ca unin 'aisa tanquin ain quirica buanmiti 'icěn. Usai ca 'iti 'icěn.

Uisa gobierno cara a nětěnu 'icě unicama cuěěnia, usa ca ain gobierno 'iti 'icěn. Uisa gobierno cara a unicama cuěěnia 'unĉnun ca libreta electoralñu 'icě unicaman quiricanu cuěěnoquin uicama cara ain 'apu 'iti cuěěnia quixun 'unĉnun 'ati 'icěn. Camabi uni ain sinancěsabi oquin ca uix 'apu 'iti cara cuěěnia, ain aně quiricanu cueneotí icěn. Cuěěnocě ca uni itsin 'unantima 'icěn, anbi cuěěnocě ca ití 'icěn. Camabi uni ca bětsibě sěněn 'icěn. Usa 'aish ca camabi uni gobierno quicěsabi ol libreta electoralñu 'iti 'icěn.

22.

An ñu 'atima 'acěma 'aish ca uinu 'icě unixbi rabinima bětsi uni 'icěsai ñu meetinu ianan uni rairibě nuianancě 'ianan ain rairiněn ñu 'acě 'icěsaribi oi 'isa tani ití 'icěn. Uní usai 'icěma 'aish těměrala ca uni itsin 'aquinti 'icěn, ain 'apunribi měniocěsabi oi ca 'aquinco ití icěn. Uni ain nětěnuax cara uisa ñu cara 'icěbě těnměria ca bětsi nětěnu 'icě gobiernoněnribi 'aquina tanquin 'aquinti 'icěn.

23.

Camabi unin ñu mēētisa tanquin ca ñu meetí 'icēn. Añu ñu mēēti cara 'aisa tania a ñu mēēti mēraquin ca 'ati 'icēn. An ñu mēēmīcē unin ca ain uni 'atimotima 'icēn. Ñu mēēti 'alma 'ain ca 'apun ñu mēēti mēranun 'aquintí 'icēn.

Ui uni cara, uisa cara ain bana 'icē, camabi uni ca sēnen 'icēn. Usa 'ixun ca upí oquin ñu meece 'ixun bētsi unin 'acēsaribi oquin ain cupí bití 'icēn.

Ui unin bētsi uni ñu mēēxuncē 'ixun ca ain cupí bití 'icēn, a 'imainun ain xanu 'imainun ain bēcicēcama upiti bucunun. Ain cupí 'itsamashi bicē 'aish 'aquinsa 'icē ca apun anun a 'aquinti mēnīoti 'icēn.

An ñu mēēcē uni raíri unibē timēquin bētsibē bētsibē aquiananisa tanquin, ulsoquin cara ain ñu mēēti 'ati 'icē quixun sinónan uisa cara ain ñu meetí icē quixun acama sinónux timētia ca uni itsin usaquin anun enti icēn.

24.

Camaxbi ñu mēētancēx tantiti ca asábi 'icēn. 'Uráinra tantiquinma ñu mēētancēx ca tantiti 'icēn. Anun tantiti nētē gobiernonēn mēnlocēsabi oquin ca unin ñu mēēquinmabi ain cupí bití 'icēn.

25.

Camabi uni 'imainun ain xanu 'imainun ain bēchicēcama ēsai 'iti ca asábi ''icēn: 'insincēma chuómarua, pitiñu, chupañu, anu itinu, insincē 'aish roñu 'iti. Uni ain ñu meetí 'alma, uni insince, uni bētsicē, xanu casunamēcē, uni xēni acama anun upiti 'iti 'alma 'ain, ain aintsin 'aquiniama ca a 'aquinti 'apun mēnīotí 'icēn.

Tuáñu xanucama 'imainun tuócamaribí upití inun ca 'aquincē ití icēn. Bētsi tuócamas 'icēsaribitia 'inun ca unin xanumi sēcē' ocē tuócamas bēruance ití icēn.

26.

Camabi tuó ca escuelanu atsintisa tani atsinti 'icēn. Cuploquinma ca primaria 'ati pain atsinti 'icēn. Camabi tuóratsu ca escuelanu cuanti 'icēn. Ui unicama cara escuela tēcnica anu atsintisa tania ca anu cuanti 'icēn, apun mēnīosabi oi. Secundaria cēñutancēxun bētsi ñuribi unantisa tani ca bētsi escuelanuribi atsinti 'icēn, ain nota asábi ain.

Escuelanuxun ca quiricanu cuēñocē ñuishi 'unanmicēma 'iti 'icēn. Anuxun ca alumnocama bētsi ñu 'atiribi 'unanmicē ití 'icēn, 'imainun ca upí oquian alumnonēn sinanti aribi 'unanmicē 'iti 'icēn. Bētsi menu 'icē unicama 'imainun bētsi banan banacē unicama 'imainun Nucēn Papa Diosmi sinancē unicama 'imainun ami sinancēma unicama, camabi nusaribi uni 'aish unibē nuibananti ca 'unanmicē 'iti 'icēn. Usaquin sinanmicēx ca gobiernocaman xucē unicama timēxun cuēñcēsabi oi unicama bētsibē nishanani 'acananti 'aima ití icēn.

Bētsi unin cacēsamaira oquin ca ain titabētan ain papan cati 'icēn, uisa escuelanuxuinra cara ain bēchicēnēn ñu 'unanti ice quixun.

27.

A ēmanu 'icē unicaman 'acēsa oquin ca anu 'icē uni rairinēn 'aisa tanquin usaribi oquin 'ati 'icēn. A ēmanu 'icē unicaman sinancēsa oquin ca anu 'icē uni rairinēn 'aisa tanquin usaribi oquin sinanti 'icēn, camaxunbi ñu 'ati upí oquin 'unánan upiti bucunun.

An ñu 'acë uní 'imainun an ñu cuënëocë uni anpan 'acë 'ain ca bëtsi unix, en 'acë ca quiax quitima 'icën. Usai bëtsi unix quití rabanan ca an ñu 'acë unin 'aisa tanquin an 'acë ñu a 'apu 'unanmiti 'icën.

28.

Enë quiricacama quicësabi oi camabi uni uni itsin ublocëma upiti bucuti 'inun ca camabi nëtënu icë unin ain aintsi 'aquinti 'icën.

29.

Camabi únin ca ain ëmanu 'icë unicama 'imainun a 'urama 'icë ain caibucama 'aquianan atubëtan ain ëma 'imainun mecama upí imití icën. Usaquin 'ai cuni ca unix masá sinancëma 'aish upiti 'ití 'icën.

Unix ublocë 'aish upiti bucucëma 'imainun unin ñu 'atima 'aquin uni itsiribi ñu 'atima 'amiti 'imainun bëtsi bëtsi ñu sinanquin uni raíri tsuáquirumiti usai 'iti rabanan ca gobiernonën ain unicaman cuati bana mëníoia. Usa oquin mënlocë banacama ca ain unicaman cuati 'icën.

Gobiernocaman xucëx tim¿cë unicaman upí oquin sinanquin ca ënë banacama cuënëoxa. Usaribi oquin ca camabi unin ënë bana isquin, usaquin sinanquin 'acë ca enex ice quixun upí oquin sinanti 'icën. An 'acë unicaman sinancë bana ca bëtsiotima 'icën.

30.

Enë banacama bëtsioquin ca uinu 'icë uninbi uni raíricama upiti bucunun quixun sinanquinma, 'ëx cuëëncësa oquin 'anun ca a bana quia quixun sinantima 'icën. Uni raíri bëtsi unbë timëcëcama 'imainun gobiernonu ice apucamanribi ca usa oquin sinantima icën.